

Broj: 09-11-3-823-9/25
Mostar, 03.06.2025. godine

Na osnovu člana 64. stav (1) tačka b) najniža cijena, člana 70. stav (1), (3) i (6) Zakona o javnim nabavkama ("Službeni glasnik BiH", broj 39/14 i 59/22), na Preporuku Stalne komisije za javne nabavke broj: 09-11-3-823-8/25 od 02.06.2025. godine u postupku javne nabavke auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila i osiguranja laboratorijske opreme ugrađene u automobil (LOT 2) – oznaka i naziv iz JRJN 66000000-0 - Finansijske i osiguravajuće usluge, ministar Federalnog ministarstva energije, rudarstva i industrije, donosi

ODLUKU

o izboru najpovoljnijeg ponuđača za nabavku auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila i osiguranja laboratorijske opreme ugrađene u automobil – LOT 2
Oznaka i naziv iz JRJN 66000000-0 - Finansijske i osiguravajuće usluge

Član 1.

Prihvata se preporuka Stalne komisije za javne nabavke (u daljem tekstu: Komisija), broj 09-11-3-823-8/25 od 02.06.2025. godine, te se Ugovor za javnu nabavku auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila i osiguranja laboratorijske opreme ugrađene u automobil (LOT 2) – oznaka i naziv iz JRJN 66000000-0 - Finansijske i osiguravajuće usluge dodjeljuje ponuđaču "Sarajevo osiguranje" d.d. Sarajevo, sa sjedištem na adresi Maršala Tita 29 1, 71000 Sarajevo, ponuda broj 01-4142/25 od 22.05.2025. godine, za konačnu ponuđenu cijenu, nakon okončane e-aukcije, od 958,00 KM bez PDV-a, kao najbolje ocijenjena ponuda.

Član 2.

Prijedlog ugovora o nabavci dostaviti će se na potpis izabranom ponuđaču "Sarajevo osiguranje" d.d. Sarajevo, po isteku roka od 10 dana računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijsko - računovodstvene poslove.

Član 4.

Ova odluka objaviti će se na web-stranici www.fmeri.gov.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila, broj 09-11-3-823/25 od 13.05.2025. godine.

Javna nabavka je provedena putem Konkurentskog zahtjeva za dostavu ponuda.

Procijenjena vrijednost javne nabavke za LOT 2 bez PDV-a je 4.000,00 KM.

Obavještenje o nabavci broj 1380-7-2-19-3-10/25 poslano je na objavu dana 16.05.2025. godine.

Dana 02.06.2025. godine, Komisija je federalnom ministru energije, rudarstva i industrije dostavila Zapisnik o pregledu i ocjeni ponuda i Preporuku o izboru najpovoljnijeg ponuđača za nabavku auto osiguranja i kasko osiguranja sa uključenim osiguranjem od rizika krađe – bez učešća službenih motornih vozila i osiguranja laboratorijske opreme ugrađene u automobil (LOT 2) – oznaka i naziv iz JRJN 66000000-0 - Finansijske i osiguravajuće usluge.

Komisija je blagovremeno i pravilno izvršila otvaranje ponuda i izvršila pregled i ocjenu pristiglih ponuda, o čemu je sačinila odgovarajuće zapisnike u kojima je utvrđeno sljedeće:

- da su blagovremeno pristigle ukupno tri (3) ponude;
- da nije bilo neblagovremeno zaprimljenih ponuda;
- da su ponude ponuđača „Sarajevo osiguranje“ d.d. Sarajevo, „ASA Central osiguranje“ d.d. Sarajevo i „Euroherc osiguranje“ d.d. Sarajevo - Podružnica Mostar, prihvatljive, jer ispunjavaju uslove za kvalifikaciju, propisane tenderskom dokumentacijom.

E-aukcija je zakazana za dan 02.06.2025. godine u 13:00 sati.

Nakon završetka e-aukcije Ugovorni organ je dobio Izvještaj o toku i završetku e-aukcije i najpovoljnijem ponuđaču.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te pregled i ocjenu prispjelih ponuda, shodno kriteriju najniža cijena.

U postupku ocjene provedenog postupka, federalni ministar energije, rudarstva i industrije nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač, „Sarajevo osiguranje“ d.d. Sarajevo izabran primjenjujući kriterij najniže cijene koja je, nakon okončane e-aukcije, ponuđena u iznosu od 958,00 KM bez PDV-a, dok su preostala dva ponuđača ponudila sljedeću cijenu:

- „Euroherc osiguranje“ d.d. Sarajevo-Podružnica Mostar, cijena ponude nakon e-aukcije je 1.819,00 KM
- „ASA Central“ d.d. Sarajevo, cijena ponude nakon e-aukcije je 3.324,76 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Ponudlač koji je učestvovao u postupku nadmetanja može, radi zaštite svojih prava i pravnih interesa, izjaviti žalbu Federalnom ministarstvu energije, rudarstva i industrije u roku od 5 (pet) dana od dana prijema ove odluke.



DOSTAVITI:

- „Sarajevo osiguranje“ d.d. Sarajevo
- „ASA Central osiguranje“ d.d. Sarajevo
- „Euroherc osiguranje“ d.d. Sarajevo – Podružnica Mostar
- Službi za finansijsko-računovodstvene poslove
- evidenciji
- a/a